



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: UP-1/21-1-40-554-4/22

Datum: 19.12.2022. god.

«Agencija za vodno područje rijeke Save» Sarajevo rješavajući zahtjev podnesen od strane Grada Srebrenika za donošenje Rješenja o prethodnoj vodnoj saglasnosti za izgradnju pristupne saobraćajnice u svrhu obezbjeđenja pristupa poslovnoj zoni Tinja Gornja, grad Srebrenik, na osnovu člana 139. stav (1), člana 107. stav (3) Zakona o vodama («Službene novine Federacije BiH», broj 70/06) i člana 218. Zakona o upravnom postupku («Službene novine Federacije BiH», broj 2/98, 48/99 i 61/22) d o n o s i

R J E Š E N J E

1. Odbija se zahtjev podnesen od strane Grada Srebrenika za donošenje Rješenja o prethodnoj vodnoj saglasnosti za izgradnju pristupne saobraćajnice u svrhu obezbjeđenja pristupa poslovnoj zoni Tinja Gornja, grad Srebrenik, zbog nepostojanja uslova za vođenje upravnog postupka s obzirom da za predmetnu aktivnost, shodno odredbama člana 139. stav (1) Zakona o vodama, nije propisana obaveza pribavljanja vodnih akata od strane ove Agencije.
2. Ovo Rešenje ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.
3. Ovo Rešenje može se izmijeniti ukoliko za to nastupe razlozi utvrđeni u članu 130. stav (1) tačka 2. i 4. Zakona o vodama, a zainteresirane stranke podnesu argumentovan zahtjev za izmjenu ovog vodnog akta.

Obrazloženje

Ministarstvo poljoprivrede, šumarstva i vodoprivrede Tuzlanskog Kantona dostavilo je zahtjev Grada Srebrenika za donošenje rješenja o prethodnoj vodnoj saglasnosti za izgradnju pristupne saobraćajnice u svrhu obezbjeđenja pristupa poslovnoj zoni Tinja Gornja, grad Srebrenik, u postupku izdavanja urbanističke saglasnosti, na nadležno postupanje ovoj Agenciji.

Uz zahtjev je dostavljena slijedeća dokumentacija:

- Ovjerena kopija uvjerenja o registraciji poreznog obveznika od 19.11.2021. godine,
- Ovjerena kopija obavještenja o razvrstavanju pravnog lica prema klasifikaciji djelatnosti donesenog od strane Službe za statistiku za područje Tuzlanskog Kantona, broj: 07-32.5-15695/21 od 22.11.2021. godine,
- Ovjerene kopije Zemljišnoknjižnih izvadaka,
- Kopija katastarskog plana, K.O. Tinja Gornja, broj plana: 20, UR BROJ: 03-26-848/2022-22 od 07.04.2022. godine,
- Izvodi iz posjedovni lista broj 2511, 194, 2724, 1024, 192, K.O. Tinja Gornja, izdate od strane Službe za geodetske i imovinsko-pravne poslove Grad Srebrenik, dana 06.04.2022. godine,
- Studiji za izdavanje prethodne vodne saglasnosti – Pristupna Saobraćajnica za poslovnu zonu Tinja Gornja, urađena od strane ovlaštene projektne kuće „IBIS“ d.o.o. Zavidovići, februar 2022. godine.

Nakon pregleda dostavljene dokumentacije konstatovano je slijedeće:

- Na zemljištu označenom kao k.č. broj 742, 743, 744, 745, 2527, 2530, 2531/1 K.O. Tinja Gornja, grad Srebrenik, podnosilac zahtjeva planira izvršiti izgradnju pristupne saobraćajnice u svrhu obezbjeđenja pristupa poslovnoj zoni Tinja Gornja, grad Srebrenik.
- Uvjerjenje kojim se potvrđuje da se pristupna saobraćajnica čija je svrha obezbjeđenja pristupa poslovnoj zoni Tinja Gornja ne nalaze u zoni sanitarne zaštite izvorišta pitke vode, odnosno da su trase predmetnih cjevovoda usaglašene sa granicama zona sanitarne zaštite izvorišta pitke vode u skladu sa važećom Odlukom o određivanju zona sanitarne zaštite izvorišta.
- Podnosilac zahtjeva je ishodovao Rješenje o prethodnoj vodnoj saglasnosti za izgradnju mosta preko rijeke Tinje, broj: UP-1/21-1-40-204-5/22 od 02.06.2022. godine.

Trasa pristupne saobraćajnice za poslovnu zonu Tinja Gornja se ne nalazi u vodnom dobru rijeke Tinje izuzev mosta preko iste i pripadajućeg neposrednog pristupa mostu, a što je obuhvaćeno navedenim rješenjem o prethodnoj vodnoj saglasnosti broj: UP-1/21-1-40-204-5/22 od 02.06.2022. godine.


U skladu sa članom 17. Stav (1) tačka 10. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj: 31/15, 55/19, 41/20 i 63/22), Agencija je nadležna za izdavanje vodnih akata za izgradnju željezničkih pruga, autocesta i magistralnih cesta, što ne obuhvata kategoriju pristupni put ukoliko se isti ne nalazi u vodnom dobru vodotoka I kategorije. Prema navedenom, a u skladu sa odredbama člana 139. stav (1) Zakona o vodama, nije propisana obaveza pribavljanja vodnih akata od strane ove Agencije, zbog čega se zahtjev smatra neosnovanim, te je riješeno kao u dispozitivu rješenja.

Pouka o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Meho Čaušević, Bsc.ing.građ.

Po ovlaštenju
Rukovodilac Sektora za izdavanje vodnih akata

Haris Ališehović, dipl. ing.građ.

Dostaviti:

- Grad Srebrenik, ul. Varoških polja bb, 75350 Srebrenik
- AVP Sava, ISV – Vodna knjiga
- Sektor 40, arhiva
- Oglasna ploča AVP Sava